

右為末水煮稀糊為丸芡實子大每服三十九  
空腹時滾湯送下即以美饌壓之 忌生冷硬  
物酒濕麪

補真潤腸湯 治白帶陰戶中痛控心而急痛身

黃皮緩身重如山陰中如冰

一名助陽湯

即前固真湯減人參加防風高良薑

海藏香附六合湯 治赤白帶下

即四物加  
齒香桂也

大全方 治赤白帶下年深月久不瘥

白芍藥二兩乾薑半兩各炒黃色為末米飲下二

錢日二服

丹溪治赤白帶下大法 或十棗湯神祐丸或玉

燭散皆可用之虛者不可峻攻實者可行

血虛加減四物湯 氣虛以人參白朮陳皮間

與之 主治燥濕為先 濕甚者固腸丸 陰

火動者諸藥中加炒黃柏 滑者加龍骨赤石

脂 滯者加葵花白者治白赤者治赤 性躁者加黃連

寒月少加薑附臨機應變先須斷厚味 帶

下與夢遺同法治之 肥人有帶多是濕痰用

海石半夏南星黃柏炒青黛蒼朮川芎 瘦人

帶病少如有者多是濕熱用炒栝蛤粉滑石川

芎青黛樗皮 帶漏俱是胃中痰積流下滲入

膀胱出於大腸小腸宜升提甚者上必用吐以

提其氣下用二陳湯加白朮蒼朮 治結痰白

帶以小胃湯半飢半飽津液下數丸俟鬱行却

服補藥 白朮一兩蒼朮半兩紅白葵花二錢半

白芍藥七錢半右餽餅為丸空心煎四物湯吞二十九

一婦年七十形瘦善啖白帶食前薑湯吞大補丸

五十九一二次午膳後及臨卧時各與小胃丹

十五丸愈

乳香散 治赤白帶下 草果一枚去皮入乳香

焦存性連每服二錢重者三錢陳皮湯調下

帶下不止用柎目白芷 治白帶以柎目為末米

飲下

樗皮丸 治赤白帶有濕熱者

白芍五錢良薑炒三錢黃柏炒成灰二錢椿皮一兩半

右為末粥丸每服三五十九米飲下

治白帶因濕熱而勝下者 蒼朮炒 鹽 白芍藥

滑石炒 各一兩 枳殼 甘草各三錢 椿根皮炒

乾薑炮 各二兩 地榆半兩 為末粥丸米飲下

治帶下 椿根皮二兩 神麩炒 麩麩炒 黃栢炒

蒼朮各一兩 白芍一兩 滑石 枳殼各五錢

右為末糊丸梧子大空心服五十九

赤白帶皆屬於血有出於大小腸之分黃荊子炒

焦為末米飲調三錢

固腸丸 治濕氣下利大便血白帶去脾胃陳積

之後用此以燥下濕亦不曾單用看病作湯使

椿根白皮為末粥糊為丸此藥性涼而燥須炒

用一方加滑石一半

地榆膏 治赤白帶下骨立者

地榆一斤 用水三升煎至一半去渣再煎如稠

餒空心服三合日二次

治漏下五色地榆三兩用醋一升煮十餘沸稍熱

食前服一合

治白帶因七情所傷脈數者

黃連炒 側柏酒蒸 黃柏炒各半兩 香附醋炒

白朮炒 白芍各一兩 白芷燒存性三錢 椿根皮炒二兩

木香錢三 為末粥九米飲下

千金方 治赤白帶下

三葉酸醬草陰乾為末空心溫酒下三錢

丹溪治赤白帶 龜板酒炙二兩 黃柏炒一兩 乾薑炒一兩

枳子二錢半 右酒糊為丸每服七十九日二服

又方 治帶下脉數者 枸杞根一斤 生地五斤

右以水一斗煮取五升分五服

治帶下赤白腰痛或少腹痛有熱者

檉皮二兩 玄胡索 菴仁 側柏葉 茴香

當歸 川練肉名半兩 香附八錢 官桂

烏藥各三錢 麥皮曲炒一兩

右為末酒糊為丸每服六十九神効

白芷散 治下元虛弱赤白帶下或經行不止等

症 白芷一兩 海螵蛸二枚 胎髮五九

為末每服二錢酒調下

東垣坐藥龍鹽膏 丁香 川烏炮 木香各一錢半

全蝎五枚 良薑 木通各一錢 枯礬五分 龍骨

茴香 歸稍 炒黃鹽 防已酒洗 紅豆

肉桂各二錢 厚朴三錢 玄胡索五錢 右為末煉蜜丸

彈子大綿裹留絲在外納陰戶內

又方勝陰丹為上藥力小再取三錢內加行性熱

藥 三賴子 川烏 大枳各五分 柴胡

羌活各二錢 全蝎三枚 大蒜 破故紙與蒜同焙各一錢

升麻 枯礬各二分 射香許少 甘松三分

右為細末同前制用

又方回陽丹 全蝎 升麻 甘松各二分 羌活

草烏頭各三分 水蛭焙乾三條 蚩虫三枚去翅足炒 川烏

柴胡各七分 大枳 萹撥 枯礬 三賴各五分

大蒜 破故紙各二錢 炒黃鹽一錢此必用之藥去之則不効

右為細末依前制如指尖大綿包納陰戶中覺

臍下煖為効

丹溪治胡安人白帶下月經甚多食少倦怠面黃

經中有如血塊者有如筋膜者與參朮等補血

氣調脾胃後諸症皆退惟帶未止以樗皮丸主

之

張戴人治一婦帶下連綿不絕白物或來已三載矣兩手脉俱滑大有力六七至常上熱口乾眩暈時嘔酢水乃寒痰在胸中以瓜蒂散吐出冷痰二三升皆酢水也間如黃涎狀如爛膠次以漿粥養其胃氣又次用導水禹功以瀉其下然後以淡劑滲泄之藥利其水道不數日而愈又息城李左衛之室病白帶如水窈漏中綿綿不絕穢臭之氣不可近面黃食減已三年矣諸醫

皆云積冷陽起石硫黃薑附之藥重重燥補汚水轉多戴人斷之曰此帶濁水本熱乘太陽經其寒水不禁固故如此也夫水自高而趨下宜先絕其上源乃涌痰二三升次日下沃水斗餘行三遍汗出周身至明日病人云汚已不下矣次用寒涼之劑服及半載產一男

仲景溫經湯

吳茱萸

三兩

川歸

芍藥

芍藥

人參

桂枝

阿膠

丹皮

生薑

甘草

各二兩

半夏

半升

麥冬升一 右十二味水一斗煮取三升分溫三服 亦主婦人少腹寒久不受胎兼取崩中去血或月水過多及至期不來

五靈散 治赤白帶下

五靈脂半生半炒 為末酒調服

大千方 治白帶 茅花炒一握 棕櫚灰三寸

嫩蓮葉三葉 甘草節一錢 右為末空心酒調方寸匕

益母散 治帶下赤白惡露下不止

益母草開花時採搗為末空心酒服二錢日三服

又方 治白帶用白芷以石灰炒去灰茜草少許

粥糊丸服

又方 白芍藥炒黑為末每服三錢七酒調下

丹溪治赤白帶用生狗頭骨燒存性為末酒調服 或入藥服

千金方 治帶下

雲母為末溫水調服三方寸七立見神効

姪娘白帶 蒼朮三錢 白芷 黃芩炒各二錢

黃連炒 黃栢炒 樗根皮炒各一錢半 山茱萸各二

半錢

白芍

半二錢

為末糊丸空心酒服五十九

寡婦師尼寒熱如瘧

倉公傳與褚氏論皆云師尼寡婦獨陰無陽慾心  
 萌而未遂是以慳慳成病以致乍寒乍熱而類  
 瘧狀久則為勞又有經閉白淫痰逆頭風膈氣  
 痞悶面黧瘦瘠等症皆寡婦之病診其脉獨肝  
 部弦出寸口而上魚際皆血盛所致經云男子  
 精盛則思室女人血盛則懷胎觀其精血思過  
 半錢

薛氏曰前症若肝脉弦出魚際用生地黄九血虛  
 佐以四物湯若蕪怒動肝火而寒熱佐以加味  
 逍遙散若虧損肝經而寒熱佐以八珍湯若虧  
 損元氣而寒熱佐以補中益氣湯若鬱傷脾氣  
 而寒熱佐以濟生歸脾湯

治一寡婦不時寒熱脉上魚際以血盛之症用小  
 柴胡湯加生地黄治之而愈但畏風寒以脾胃  
 氣虛用加味歸脾湯補中益氣湯兼服而安  
 一婦因夫久出經商發寒熱月經旬日方止服降



火涼血藥內熱益甚自汗盜汗月經頻數予曰  
內熱自汗乃脾氣虛弱也月經頻數乃血不歸  
脾也用歸脾湯六味丸而愈

一室女寒熱肝脉弦長而出寸口用小柴湯加生  
地烏梅治之而愈既嫁而諸症悉痊

一室女久患寒熱月經失期以小柴湯加生地治  
之少愈更以生地黄丸而痊

生地黄丸 許學士云有一師尼惡風体倦下寒  
乍熱面赤心煩大小柴胡湯雜進其病益劇予

診視之曰三部脉無寒邪但肝脉弦長而上魚  
際服以丸而愈

柴胡 秦艽 黃芩各五錢 生地二兩

赤芍藥一兩 右為末煉蜜為丸梧子大每服  
三十九烏梅湯下一日三服

逍遙散 治日夜虛熱脉微細

地骨皮 甘草 黃芩 川芎各三錢

北柴胡五錢 香附三錢

右水煎空心服加竹葉十片

柴胡散

治寒熱往來以陰陽相勝陰勝則寒

陽勝則熱或是胎前雜病但服此湯如燒湯澄

雪

北柴胡

黃芩

甘草各三錢

地骨皮

一錢

荆芥

桂各二錢

水煎服

再仍服小柴胡湯三五帖

瘵與鬼交

人稟五行秀氣而生承五臟神氣而養若調理失  
節氣血虛衰則鬼邪干其正隱避而不欲見人  
時獨言笑或時悲泣是其候也脉息遲伏或如

鳥啄或綿綿而來不知度數面顏不變亦其候  
也

薛氏曰前症多由七情虧損心血神無所護而然

也宜安神定志等藥則正氣復而神自安若脉

來乍大乍小乍短乍長亦為鬼祟也宜灸鬼哭

穴

以患人兩手指相並用線紫扎當合縫處  
半肉半甲間灼艾灸七壯若果是邪祟病者

即乞求免災  
云我自去矣

茯神散

治妄有所見言語雜亂時或昏昧痰

熱

茯神

炒一兩半

茯苓

人參

石菖蒲

各一錢

赤小豆 五分

右水煎服

桃仁丸

治鬼魅交通

辰砂 另研

檳榔

當歸

桃仁 各三錢

水銀 一錢 束肉一 枚研令星盡

射香

阿魏 麩包煨

沉香 各半

右為末煉蜜為丸梧桐子大每

服十九空心桃仁湯下

辟瘟丹

虎頭骨 二兩

辰砂

雄黃

雌黃

鬼臼

皂莢

蕪荑仁

鬼箭羽

藜芦 各一兩

右為末蜜丸彈子大囊盛一丸

男左女右繫臂上及用一丸當病人戶前燒之

一切邪鬼不敢近

妙香散

治心氣不足精神恍惚虛煩少睡盜

汗等症

甘草 炙

人參

桔梗 各半

黃耆

茯神 去皮

茯苓

遠志 去心

山藥 各一兩 姜汁炙

辰砂 三錢

射香 二錢

木香 二錢 半

右為末每服二錢温酒調服

治婦人與鬼交

松脂 雄黃 先熔松脂乃入雄黃以虎  
爪不住手撓得所取如雞子黃大令患人卧以  
被蓋取藥薰之惟露頭在外勿令泄氣又不可  
過熱

鹿角散

男女夢與鬼交精神恍惚者

鹿角屑三指撮日二服酒下 亦治遺精 婦

人被妖魅狐猫祟迷惑不肯言鬼鹿角屑以水  
服方寸匕即言實也

桃鳧 一名桃奴 一名梟景 是過年樹上不

落乾桃子味苦微溫主殺百鬼精物療中惡腹  
痛殺精魅五毒不祥正月採之

熱入血室

婦人傷寒傷風發熱經水適來昼則安靜暮則譫  
語有如瘡狀此為熱入血室治者無犯胃氣及  
上二焦宜服小柴胡湯

薛氏治一婦經行感冒風邪昼則安靜夜則譫語  
此熱入血室也以小柴胡加生地治之頓安但  
內熱頭暈用補中益氣湯加蔓荊子而愈後因

惱怒寒熱譫語胸肋脹痛小便頻數月經先期  
此肝火血熱妄行以加味逍遙散加生地黃而  
愈

一婦因怒寒熱頭痛譫言妄語至夜益甚月經暴  
至此怒動肝火用加味道遙散加生地治之神  
思頓清又用補中益氣湯而痊

一婦經行感冒譫語或用發散寒涼之劑前症益  
甚月經不止肚腹作痛嘔吐不食痰涎自出此  
熱入血室而藥復傷胃用香砂六君子歸脾湯

而安

乾姜柴胡湯

治婦人傷寒經脈方來熱入血

室寒熱如瘧或狂言見鬼

柴胡 一錢

桂枝 三分

牡蛎 煨

乾姜 炮

甘草 炙各三分

瓜蒌根 五分

水煎汗出而愈

海蛤散

治婦人傷寒血結胸膈宜服此藥及

針期門穴

海蛤

滑石 煨水

甘草 各二分

芒硝 一兩

右為末每服二錢用雞子清調下小腸通利其

結血自散更用桂枝紅花湯發其汗則愈

桂枝紅花湯

治傷寒發熱口燥舌乾經脈不

行 桂枝

芍藥 炙甘草

各一錢

紅花 二錢

右姜棗水煎服良久更進汗出可解

加味逍遙散

肝脾血虛有熱遍身搔痒或口

燥咽乾發熱盜汗食少嗜卧小便澀滯等症又

治瘰癧流注虛熱等瘡熱入血室等症

炙甘草

當歸

炒

芍藥

酒炒

茯苓

白朮

炒各一錢

柴胡

丹皮

山梔

炒各五分

水煎服

逍遙散

即前方去丹皮山梔

加味小柴胡湯

治經水適來傷寒或經水適

止傷寒昼則明了夜則發熱譫妄如狂 即小

柴胡加生地黃牡丹皮

心胸嘈雜

婦人嘈雜此脾胃鬱火痰滯血液汗而成用猪

血炒食之乃以血導血而使之歸源耳旋覆花

湯尤善

薛氏曰若因食鬱用六君子山查山梔若因胃熱用二陳姜炒芩連若因六鬱用越鞠丸若因氣滯用四七湯桔梗枳殼大抵以症屬病氣元氣俱不足須用六君子為主少佐以治痰之藥若以火治之必變吞酸中滿

一婦飲食少思胸中嘈雜頭暈吐痰以中氣虛而有熱用六君子湯加炒黑梔子桔梗而愈後因勞役頭暈發熱吐痰不食用補中益氣加半夏

茯苓天麻而痊

一婦中脘嘈雜口中辛辣或咳嗽吐痰發喘面色或白或赤以脾氣虛而肺中伏火也用六君子加山梔桔梗柴胡及炒黑片芩治之愈

一婦嘈雜吞酸少食大便不結以脾氣虛寒而下陷用補中益氣湯加茯苓半夏炮姜漸愈又常服人參理中丸而安

一婦飲食後嘈雜吞酸以食鬱為痰用六君子送越鞠丸漸愈又用加味歸脾湯而痊後因怒兩

脇脹痛中脘作酸四君子湯送左金丸漸安仍  
用六君子湯送越鞠丸而痊

旋覆花湯 治脾胃虛寒中脘停痰汪洋嘈雜

腸鳴多唾嘔吐不食脇肋脹痛脉沉遲絃細

細辛 旋覆花 橘紅 桂心 人參

炙甘草 苦梗 白芍 半夏各五分 赤茯苓

三分 用水加姜煎服

又心胸嘈雜茯苓補心湯最妙

茯苓補心湯 治面色黃瘁五心煩熱咳血吐

血及嘈雜潮熱等症

半夏 前胡 紫蘇 茯苓 人參

枳殼炒 桔梗炒 炙甘草 乾葛各五分

川芎 川歸 白芍 陳皮各一錢

熟地黃各一錢半 入姜枣水煎服

痲痺疝瘕

婦人痲痺因元氣虛弱而邪氣積聚蓋痲痺者在  
腹內近臍左右有筋脉急痛如臂如指如痲之  
狀痺者僻在兩脇之間有時而痛皆陰陽不和



經絡痞隔飲食停滯冷氣固結而成也

婦人臟腑調和經脈循環則月水以時故能生子而無病若乘外邪而合陰陽則小腹胸脇腰背皆相引而痛月事不調陰中腫脹小便淋瀝面色黃黑則疝瘕生矣疝者痛也瘕者假也脈弦急者生虛弱者死尺脈濇浮牢為血實氣虛腹痛逆氣上行以為胞中有惡血久則結成瘕也張子和曰遺溺閉瘕陰痿痺精滑白淫皆男子之疝也若血涸月事不行行後小腹有塊或時

動移前陰突出後陰痔核皆女子之疝也但女子不謂之疝而謂之瘕

婦人積年血瘕由寒溫失節脾胃虛弱月水不通相結盤牢久則腹脇苦痛宜用三稜煎主之

治瘕癖神効

以獾猪肝一具重十餘兩用巴

豆仁五十枚入肝內用醞醋三碗慢火熬乾研爛量入三稜末丸作梧子大每服五丸食前熟酒下

經行腹痛乃瘕癖瘕瘕局方積氣丸妙

蘆會丸

治疔癰肌肉消瘦發熱潮熱飲食少思

口乾作渴或肝疔食積口鼻生瘡牙齦蝕爛等

症

蘆會

胡黃連

黃連

炒焦

木香

白蕪荑

炒

青皮

各五錢

當歸

茯苓

陳皮

各一兩半

炙甘草

七錢

右為末米糊丸梧子大每服七八十九米湯下

麝香丸

治疔癰冷氣心腹作痛

射香

二錢另研

五靈脂

炒

阿魏

五錢麪包

煨麪熟

桃仁

三稜

醋製各二兩

芫花

醋炒

檳榔

各一兩

莪朮

醋煨

桂心

沒藥

木香

當歸

各五錢

右為末飯丸梧子大每服十九淡醋湯下

阿魏膏

治一切瘡塊更服胡連丸

羌活

獨活

玄參

官桂

赤芍

生地

川山甲

兩頭尖

大黃

白芷

天麻

各五錢

紅花

四錢

木鱉子

去殼十枚

亂髮

五錢

槐柳桃枝

各三錢

右用香油二觔四兩煎黑去渣入髮油內煎髮化

仍去渣徐下黃丹煎軟硬得中入芒硝阿魏蘓

合香油乳香沒藥各五錢射香三錢調勻成膏  
攤貼患處內服丸藥 凡貼膏藥先用朴硝隨  
患處鋪平半指厚以紙蓋用熱熨斗熨之良久  
如硝耗再加熨之二時許方貼膏藥 若是肝  
積加盧會末同熨

乾漆散 治疝瘕脇肋疼痛

乾漆炒令烟盡 木香 芫花醋炒 赤芍 桂心

川歸 川芎 琥珀各五錢 大黃炒二兩 牛膝一兩

桃仁去皮尖一兩另研 射香一錢

右為末每服一錢溫酒調下

桃仁煎 治血瘕

飛仁 大黃炒各一兩 蜚虫炒黑五錢 朴硝一兩

右為末以醇醋一鍾石器中煮三分下前三味  
不住手攪煎至可丸下朴硝丸梧子大不吃晚  
食五更初溫酒下五丸日午下穢物如未見再  
服仍以調氣血藥補之以方乃峻劑也下血塊  
血積甚速氣血虛者慎之

大硝石丸 治七癥八瘕當用此藥去之不令人

困 大黃四兩 硝石三兩 人參一兩 甘草八錢

右為末苦酒一升石器中先入大黃煎膏入餘藥九梧子大每服三十九米飲下三日一服宜下赤物

蟠葱散

治寒氣不散疝瘕脹痛脇肋痛甚神

効男子婦人脾胃虛冷氣滯不行

延胡索

肉桂

乾姜

炮各四分

蒼朮

米泔水浸一宿

焙甘草

各二錢

砂仁

檳榔

丁皮

各一錢

三稜

煨

莪朮

煨

茯苓

青皮

去白各七分

連根葱白一莖水二鍾煎至熟服

寶鑑蒺藜湯

治陰疝小腹作痛小便不利手

足逆冷或脇腹悶痛

蒺藜子去刺大附子炮

梔子仁各半兩

右為末每服三錢水煎食前服

川山甲散

治癥痞瘀血心腹作痛

川山甲

灰炒

鱉甲

醋炙

赤芍

大黃

炒

乾漆

烟炒無

桂心

各一兩

川芎

芫花

醋炒

歸尾

各半兩

射香

一錢

右為末每服一錢酒調下

三稜煎

治血癥血瘕食積痰滯

三稜

醋浸

莪朮

製全上各三兩

青皮

去白半夏

麦芽

炒各一兩

右用好醋一鍾煮乾焙為末醋糊

丸梧子大每服三四十九淡醋湯 痰積生姜

湯下

脬轉小便不利

婦人脬轉或內熱傳搏於脬或忍小便氣逆於內以致小腹急痛不得小便甚者至死

薛氏曰前症不問男女孕婦轉筋小便不利命在

反掌非八味丸不能救

一婦因鬱怒小便滴瀝漸至小腹腫脹痰咳喘促用八味丸料煎服小便即利而痊

葱白湯

治氣滯小便不通腹脹欲死

陳皮

三兩

葵子

一兩

葱白

一握

水煎分三服

八味丸

治轉脬小便不通殊有神効但世所

不用以致悞人

方見虛損

滑石散

脬轉數日不通

滑石

一兩

寒水石

二兩

葵子

一合

右研以水

一斗煮至五升每服一升即通利

又方 亂髮煨 葵子 車前子 各等分酒

調下二錢

強忍小便致脬轉尿不利困篤欲死

滑石 二兩 髮灰 一兩 為末每服三錢桃白皮

一觔細切搗熟入水三盞絞取汁調服

千金翼用杏仁去皮尖二十枚麩皮炒黃嚼細水

送下立通

一方 皂角為末吹鼻內取嚏

石葦湯

治脬轉小便不通及小便實熱氣滯

淋瀝

石葦 黃芩炒 木通 葵子 榆白皮 瞿麥

甘草 各五分 加生姜水煎服

小便數

薛氏曰小便數頻若肝經火動用逍遙散加龍膽  
草車前子

膀胱火動六味地黄丸加麥門冬五味子

肝腎濕熱龍膽瀉肝湯 鬱傷肝脾加味逍遙散

加味歸脾湯 脾肺氣虛補中益氣加麥冬五味 肝經血虛加味逍遙散 腎氣虛敗鹿茸散如不應 用八味丸

桑螵蛸散

治腎氣虛寒小便數少或時頻數

或夜間丸數

桑螵蛸

炒三枚

鹿茸

灸

牡蛎

煨

炙甘草

炙黃耆

右為末每服二三錢食前空心用

姜湯調下日二服

縮泉丸

治脬氣虛寒小便頻數或遺尿不住

小兒丸効

烏藥

益智仁

各等分為末酒煮山藥糊為

丸梧子大每服七十九鹽酒或米飲下

鹿茸散

治腎氣虛寒便溺數甚或夜間頻數

遺溺

鹿茸

灸

烏賊魚骨

桑寄生

川歸

龍骨

煨各二兩

白芍

炒

附子

炮各三錢

桑螵蛸

灸五錢

右為末每服二錢空心并食

前溫酒調下作丸亦可

遺尿失禁

附小便出尿以名交腸病也

內經曰胞移熱於膀胱則癆溺血膀胱不利為癆  
不約為遺溺註云膀胱為津液之府水注由之  
然足三焦脉實約下焦而不通則不得小便足  
三焦脉虛不約下焦則遺溺也靈樞曰足三焦  
者太陽之別也並太陽之正入絡膀胱約下焦  
實則閉癆虛則遺溺

良方曰此乃心腎之氣失其常度故有便道澀而  
遺者有失禁而不知自遺者亦有傷產傷膀胱  
不時而遺者有脬寒臟冷而不自知者

薛氏曰設肝腎虛熱廷孔痿痺用六味丸如不應  
用加減八味丸陽氣虛憊膀胱積冷用鹿茸丸  
如不應用八味丸若脾氣虛弱不能禁止用補  
中益氣湯加山藥山茱萸五味若肺氣虛寒前  
湯加桂附此症屬虛熱者多真寒者少治宜審  
察

一婦小便自遺或時不利日晡益甚以肝熱陰挺  
不能約制用六味丸料加白朮黃柏酒炒黑  
分知母五分数劑諸症悉愈若誤用分利之藥



愈損真陰必致不起

一老婦患前症惡寒軀倦四肢逆冷余以為陽氣虛寒用補中益氣湯加附三劑不應遂以參附湯四劑稍應仍以前藥而安附子計用四枚人

參三觔許

一婦病愈後小便出屎其陰陽失於傳送名大小腸交也先用五苓散二劑而愈又用補中益氣湯而安

鹿茸丸 治陽氣虛小便白濁滑數不禁或臍

腹陰冷大便不實

鹿茸灸 椒紅 桂心 石斛 附子

炮 牡蛎煨 補骨脂炒 肉蓯蓉 雞肫皮

炙 沉香各一兩 桑螵蛸灸三錢

右為末酒糊丸梧子大每服三十九空心温酒下

秘元丹 治陽氣虛小便不禁或夜多小便頻

數 白龍骨煨三兩 訶子十枚去核 砂仁一兩

右為末糯米丸梧子大空心鹽湯下五十九

酒亦可

又方

鹿角鎊屑炒為末每服三五錢空心熱

酒調下

又方

雞胫炙為末每服二三錢空心食前

酒調下日三次

又方

桑螵蛸酒炒為末每服二錢空心姜湯

調下

終

赤水玄珠婦人門第三十一

一卷目錄

小便出血

陰腫

陰痒

陰挺下脫

陰瘡

交接輒血出痛

胎前惡阻痰逆

胎動不安

胎漏下血

胎氣上逼

妊娠心腹痛

妊娠腰背痛

妊娠小腹痛

妊娠心腹脹滿

妊娠數墮胎

胎不長

國家圖書館, NATIONAL CENTRAL LIBRARY, TAIWAN, R.O.C.



墮胎血下不止

未足月欲產

過期不產

妊娠欬嗽

妊娠吐血衄血

子煩

赤水玄珠婦人門第二十一卷



新安生生子孫一奎著輯

小便出血

良方曰心主於血通行經絡循環臟府得寒則凝  
澁得熱則妄行失其常道則溢滲於脬則小便  
出血也

薛氏曰前症肝經血熱者加味逍遙散怒氣血傷  
者同治調送血餘灰妙若肝經風熱用前散送  
子芩丸氣血俱虛者八珍散送血餘灰膏梁積

國家圖書館, NATIONAL CENTRAL LIBRARY, TAIWAN, R.O.C.

熱者清胃散加槐花甘草風熱傷胃者四君子  
加防風枳壳胃虛不能攝血者補中益氣鬱結  
傷脾不能攝血者濟生婦脾湯

一婦小便出血服四物蒲黃之類更加發熱吐痰  
加芩蓮之類又飲食少思虛症婦起肝脉弦而  
數脾脉弦而緩此因肝經風熱為沉陰之劑脾  
傷不能統血發生諸臟而然也用補中益氣六  
味地黃丸而痊

蒲黃鹿茸散 治勞損尿血發熱內熱或寒熱往

來口乾作渴

蒲黃炒 鹿茸炙 當歸 生地 葵子炒

續斷酒炒各等分 為末每服二錢酒調日三服

髮灰散 起居所傷小便尿血或忍尿脬轉臍下

急痛小便不通又治肺疽心衄內崩吐血舌

上出血俱妙本草云能療瘀血通關膈利水

瘡療脬轉通大小便止咳嗽鼻衄 右每服二錢米醋湯調下

生地黄散 血熱尿血

生地二錢 黃芩炒五錢 阿膠炒 側柏葉炒各一錢

右水煎食前服

當歸散 血分熱尿血

川歸 羚羊角屑

赤芍 各五分

刺薊葉 一錢

生地 一錢 右水煎服

又方 治血分有熱 生地黃搗汁每用一 小盞日三服

又方 治血分熱 尿血用炒蒲黃末每以 二錢溫酒下

鹿角膠散 鹿角膠炒為末二兩作二服長流水

調妙

陰腫

良方曰陰腫目胞絡素虛風邪客之乘于陰部血

氣相搏故也

薛氏曰氣血虛弱補中益氣湯肝經濕熱龍胆瀉

肝湯又當與陰痒陰挺陰冷相參而治

又云一婦陰中腫悶小便澀滯兩脇作腫內熱晡

熱月經不調時或寒熱此因肝經鬱怒元氣下

陷濕熱壅滯朝用歸脾湯加柴胡升麻解鬱結

補脾氣升元氣夕用加味道遙散清肝火生肺

血除濕熱各數劑諸症悉愈又用四君芎歸丹

皮調補肝脾而經水如期

菖蒲散 治月水溢滯陰戶腫痛

菖蒲 當歸炒各一兩 秦艽二兩

右每服五錢入葱白水煎服

白礬散 治陰腫堅痛

白礬錢五 甘草五分 大黃一兩

石為末水調如束大綿裹內陰中一日兩換以愈為度

陰痒

良方曰陰痒為三虫在腸胃之間因臟虛而蝕輕則陰中痒甚則陰中痛也

生生子曰前症亦有虛者古人有用人參一兩煎湯服之而愈予曾治一宦婦年廿一疹出未彌月而犯房事熱目下陷陰中痒甚每一發神魂颯然兩手抓壁口中咬物鮮血淋漓爪脫肉破而不遑顧七日肌肉如削諸洗挿方歷試無功作虫治尤劇欲懸梁求死予為籌之乃虛熱陷入至陰當從陰引陽以黃芪六錢甘草二錢防

風一錢柴胡二錢水煎食前服之其疾頓止此引金伐木之法也

薛氏曰前症屬肝經所化當用龍胆瀉肝湯逍遙散以主其內外以菝仁研膏和雄黃末或鷄肝內陰中以制其虫

一婦胸膈不利內熱作渴飲食不甘肢體倦怠陰中悶痒小便赤澁此鬱怒傷肝脾所致用歸脾湯加山梔而愈復因怒患處并小腹脹痛用小柴胡加芎歸山梔芍藥痛止用山梔入逍遙散

而痊又因勞役患處腫脹小便仍澁用補中益氣加山梔茯苓丹皮而瘳

一方新菝葉搗綿裹內陰中一日三易

大黃散 治陰痒

大黃炒微 黃芩 黃芪各五兩 赤芍 玄參

蛇床子 山茱萸 為末酒調服二錢

又方 杏仁燒灰乘熱綿裹納陰中日二易之  
又詩曰 玉戶生瘡時痛痒皆因房色損其元黃  
葱水洗二三次杏仁燒灰油調痊加麝香尤妙



又方 鯽魚胆搽之妙

陰挺下脫

良方曰婦人陰挺下脫或曰絕絡傷損或曰子臟虛冷或曰分娩用力所致

薛氏曰前症當升補元氣為主若肝脾鬱結氣虛下陷用補中益氣湯若肝火濕熱小便瀦滯龍胆瀉肝湯

一婦陰中突出如菌四圍腫痛小便頻數內熱晡熱似瘁似痛小便重墜此肝脾鬱結蓋肝火濕

熱而腫痛脾虛下陷而重墜也先以補中益氣加山梔茯苓車前子青皮以清脾火升脾氣更以加味歸脾湯調理脾鬱外以生豬脂和藜芦末塗之而收

一婦陰中挺出五寸許悶痛重墜水出淋漓小便瀦滯夕與龍胆瀉肝湯分利濕熱朝與補中益氣湯升補脾氣諸症漸愈再與歸脾湯加山梔茯苓川芎黃柏間服調理而愈後因勞役或怒氣下部濕瘁小水不利仍用前藥即愈

一方 治陰挺下脫

當歸

黃芩

各二兩

牡蠣

二兩半

蝟皮

一兩

赤芍

兩半

右為末每以二錢食前温

酒調下米飲亦可

治陰挺長出玉戶數寸者疼痛不可忍飲食不進

用前方治其內仍以 大黃 山茨姑 石羔

牡蠣 乳香 為細末水調搗熟捏作条子如

中指大陰乾插入玉戶其痛即止

陰瘡

薛氏曰此症乃七情鬱火傷損肝脾濕熱下流其

外症陰中突出如蛇如菌如鷄冠或生虫濕痒

或潰爛出水或腫悶墜痛其內症体倦內熱經

候不調或飲食無味晡熱發熱或胸脇不利小

便痞脹或赤白帶下小便淋瀝其治法腫痛者

四物加柴胡丹皮山梔胆草濕痒者歸脾湯加

柴胡山梔丹皮淋瀝者龍胆瀉肝湯加白木丹

皮潰腐者逍遙散山梔川芎腫悶墜痛者補中

益氣湯加山梔丹皮佐以外治之法

一婦素性急陰內痛小便赤瀉怒而益甚或發熱

或寒熱此肝經濕熱所致用芎歸炒梔柴胡苓  
朮丹皮澤瀉炒芍車前炒連甘草數劑漸愈乃  
去黃連澤瀉又數劑全愈

一婦臍腹上下并玉戶遍生濕瘡狀如馬尻瘡他  
處並無熱痒而痛大小便瀉出黃汁食減身面  
微腫衆作惡瘡治反劇愈痛急令洗去乃用馬  
齒莧四兩青黛一兩同搗爛敷瘡上即時痒止  
痛定而熱亦退仍服八政散日三服分散客熱  
每敷藥僅得一時久藥已乾燥再塗新濕藥又

安凡如此二日僅減三之一五日減三之二自  
此二十日全安緣此婦嗜酒貪啗魚蟹發風  
之物而中下焦蓄風熱之毒氣當作腸癰內痔  
等疾后當禁酒及發毒之物

一方治玉戶生瘡杏仁燒存性雄黃明凡各錢

麝香一分右為末敷之

又方飛丹研極細生桐油調搽二三日効  
交接輒血出痛

薛氏曰一婦每交接便血出作痛此肝火動脾而

不能攝血用補中益氣濟生歸脾二湯而愈若  
出血過多而見他症但用前藥調補肝脾

千金方 療交接血出 伏龍肝 桂心

分等

為末每服一錢酒調下

胎前惡阻及痰逆不食

惡阻者謂嘔吐惡心頭眩惡食擇食是也脉息和  
順但竟肢體沉重頭目昏眩好食醎酸甚者或  
作寒熱心中憤悶嘔吐痰水不能支持古謂之  
子病由胃氣怯弱中脘停痰之所致也

薛氏曰脾胃虛弱嘔吐不食用茯苓半夏湯蓋生

夏乃健脾化痰滯之主藥也痰涎壅滯飲食必

思胎氣不安為必用之藥須倍加白朮然半夏

白朮陳皮砂仁善能安胎氣健脾胃也予嘗用

之驗甚若兼氣惱更加柴胡因風寒須用參

蘇飲

生生子曰前症亦有因火者故丹溪用抑青丸前

人亦有用濟生竹茹湯者予歷々見為火症者

多寒者間而有之亦有愈治而愈逆者便當勿

藥待之俟胃氣和當自瘳矣

茯苓半夏湯 妊娠脾胃虛弱飲食不化嘔吐不止

半夏泡炒 陳皮各一錢 白茯苓二錢 砂仁炒一錢

炙甘草五分 姜棗烏梅水煎服二帖后用茯苓丸

茯苓丸 妊娠煩悶頭暈聞食吐逆或胸腹痞悶

赤茯苓 人參 桂心 炮姜 半夏泡炒

橘紅各一兩 白木炒 葛根 甘草炙 枳壳炒各二兩

右蜜丸梧子大每服五十九丸米飲下日三服

白木湯 胃虛惡阻吐水甚至十餘日粥湯不入

白木炒一錢 人參五分 丁香 炙甘草各三分

右姜水煎服

保生湯 妊娠惡阻少食嘔吐或兼吐瀉作渴

人參一錢 炙甘草 白木炒 香附 烏梅

橘紅各五分 右姜水煎服

仲景乾姜人參半夏丸 治妊娠嘔吐不止

乾姜 人參 半夏特 為末姜汁糊丸梧子

大米飲下十日三服

歸原散 惡阻嘔吐不止頭痛全不入食諸藥無効

人參 甘草 川芎 當歸 芍藥 丁香各五錢

茯苓 白朮

陳皮各一兩半 桔梗炒

枳壳炒各二兩半

半夏泡炒黃一兩

右每服五錢加姜六片東一枚

水煎服已上五方治寒痰惡阻之劑也

竹茹湯

惡阻嘔吐不下食

青竹茹

橘紅各二兩

生姜

茯苓各四兩

半夏五兩

右水六升煮取

二升半分三服

人參橘皮湯

惡阻嘔吐痰水

人參

橘皮

白朮

麥冬各兩

甘草三錢

厚朴制

白茯苓各五錢

右每服五錢加青竹茹一錢生姜三片水煎服

妊娠嘔吐痰水不食

生芦根一兩

橘紅七錢

生姜一兩

栝榔三錢

右作三次水煎服

妊娠惡食心中煩憤熱悶嘔吐

竹茹

麥冬各二兩

前胡二兩

橘紅一兩

芦根一握

水一大升煮半

升作二次食前服

已上四方治熱痰惡阻之劑也

羅太無半夏茯苓湯 惡阻心中憤悶頭目眩暈

四肢怠倦百節煩痛胸膈痰逆嘔吐惡心嫌聞

食氣好噉酸醎多卧少起全不進食先服此湯

次服前茯苓丸

半夏

泡炒黃一兩二錢

赤茯苓

熟地黄

各七錢半

芍藥

旋覆花

千金方無此而有細辛紫蘇

橘紅

人參各半兩

川芎

桔梗

甘草各五錢

右每服五錢姜七片水煎空心服○若有客

熱煩渴口瘡去橘紅細辛加前胡知母七錢半

若腹冷下利去地黄加炒桂心五錢○若胃中

虛熱大便秘小便赤瀉加大黃七錢半去地黄

加黃芩二錢半

胎動不安

妊娠胎動或飲食起居不節或  
衝任經虛或因過

酒房室擊觸跌撲損動臟府或脾氣虛弱誤服

藥餌或感冒風寒當各推其因而施治之有因

母病而胎動者但治其母而胎自安有胎不堅

固動及母疾但安其胎而母自愈面赤舌青其

胎已死面青舌赤吐沫其母必死唇口色青兩

邊沫出子母俱死也

薛氏曰前証胎氣鬱滯者紫蘇飲脾氣虛弱者六

君子湯加紫蘇枳壳鬱結傷脾者歸脾湯加柴

梔鬱怒傷肝脾者四七湯加芎歸怒動肝火者

加味小柴胡湯若胎已死急用平胃散加朴硝腐化之

丹溪曰產前當清熱養血回火動胎逆上喘急者以条芩香附之類為末調下墮胎乃氣虛血虛血熱所致懷妊嗜物乃一臟之虛黃芩安胎妙藥乃上中二焦之劑能降火下行加白朮為安胎聖藥也俗不知以為寒而不取用殊不知產前宜清熱令血循環經而不妄行故能養胎又曰將臨月胎熱以三補丸加炒香附白芍餗餅

為丸服抑熱以三補丸以地黃膏為丸○孕至八九個月必用順氣瀕枳壳紫蘇梗

固胎方法 川芎 地黃 黃芩各五分 歸身

人參 白芍 陳皮各錢 白朮一錢半 甘草三分

黃栢 黃連俱少許 桑寄生一錢 右每服五六錢

加糯米五十粒水煎服 血虛不安者加阿膠 腹痛者加砂仁能止痛安胎行氣故也一方無黃

連名固孕丸

仲景云妊娠宜常服當歸散 當歸 黃芩



芍藥 芎藭各一兩 白朮半斤 右為末酒調服方

寸七日二服常服之即易產胎無苦疾產後百病悉主之

肘後方 治胎動不安 取芎根如足大指者一

尺水煎服一方有生薑五片○丹溪云芎根大能補陰血而行滯血

立効散 治胎動不安如重物所墜冷如冰即佛手散也

縮砂散 治胎動不安墮在須臾痛不可忍神効

砂仁連壳炒黑為末 每服二錢酒下

釣藤湯 妊婦胎動腹痛面青冷汗氣欲絕者

釣藤鈎 當歸 茯神去木 人參各一錢 苦梗半錢

桑寄生一錢 右水煎服煩熱者加石膏

黃芪湯 氣虛胎動腹痛下水 糯米一合 炙黃芪

川芎各一兩 水煎分三服

順氣飲子 產前服之安胎 紫蘇葉 木香煨

人參 草薹薹 茯苓各一兩 炙甘草五錢

大腹子一兩氣虛者去之 右每服三五錢加芎根三

寸糯米三十粒水煎服

安胎寄生湯 妊婦下血或胎不安或腰腹痛